



**ՀԱՅԱՍՏԱՆԻ ՖՈՒՏԲՈԼԻ ՖԵԴԵՐԱՑԻԱ
FOOTBALL FEDERATION OF ARMENIA**



ՀՖՖ ՆԱԽԱԳԱՀԻ ԾՐԱԳՐԱՅԻՆ ՀԱՅՏԱՐԱՐՈՒԹՅՈՒՆԸ 2013/2014
ԹՎԱԿԱՆՆԵՐԻ ԱԿՈՒՄԲՆԵՐԻ ԱՐՏՈՂԱԳՐՄԱՆ ԵՎ ԱԿՈՒՄԲՆԵՐԻ
ՎԵՐԱՀԱՅԿՈՂՈՒԹՅԱՆ ՄՐՑԱՇՐՋԱՆԻ ՀԱՄԱՐ

թ. Երևան

20 դեկտեմբերի 2012թ.

Հարգելի տիկնայք և պարոնայք,

Սույն հայտարարությամբ Հայաստանի ֆուտբոլի ֆեդերացիան պաշտոնապես սկսում է իր՝ ակումբների արտոնագրման համակարգի և ակումբների վերահսկողության գործընթացի 10-րդ հոբելյանական մրցաշրջանը, որին կմասնակցեն 2013/2014 թթ. մրցաշրաջանի ՀՀ Բարձրագույն խմբի առաջնությանը մասնակից թիմերի մայր ակումբներն ու ՈՒԵՖԱ-ի պաշտոնական ակումբային մրցաշարերին հանդես գալու իրավունք ստացած ակումբները:

Նախորդ մրցաշրջանում առաջին անգամ ՀՀ Բարձրագույն խմբի առաջնությունը անցում կատարեց խաղերի անցկացման աշուն-զարուն մրցակարգի՝ համաձայն ՀՖՖ Գործադիր կոմիտեի 2011 թվականի նոյեմբերի 14-ի որոշման: 2013/2014 թթ. մրցաշրջանի ՀՀ Բարձրագույն խմբի 22-րդ առաջնությունը ևս անցկացվելու է աշուն-զարուն մրցակարգով: Նախատեսված է, որ նոր մրցաշրջանը կսկսվի 2013 թվականի օգոստոս ամսին, ուստի ակումբների արտոնագրման և վերահսկողության գործընթացը ընթանալու է փոփոխված ժամանակացույցով (Նախորդ տարիներին ՀՀ Բարձրագույն խմբի առաջնությունը մեկնարկում էր մարտ-ապրիլ ամիսներին, այդ իսկ պատճառով ակումբների արտոնագրման գործընթացը սկսվում էր ավելի վաղ): Հարկ եմ համարում նշել, որ ակումբների վերահսկողության գործընթացը, որպես ակումբների արտոնագրման և

ՀԱՅԱՍՏԱՆԻ ՔԱՂՐԱՊԵՏՈՒԹՅՈՒՆ, 0010, ԵՐԵՎԱՆ, ԽԱՆՅԱՆ 27
0010 KHANJYAN str. 27, YEREVAN, REPUBLIC OF ARMENIA

Հեռախոս/PHONE: +374 10 54 88 85, ՖԱקס/FAX: +374 10 54 71 73
e-mail: ffarm@arminco.com, URL: wwwffa.am

ֆինանսական արդար խաղի բաղկացուցիչ մաս, ամբողջական կերպով կկիրառվի 2013/2014 թթ. մրցաշրջանից սկսած: Իմ կողմից տրվել են համապատասխան հանձնարարականներ ՀՖՖ Արտոնագրման բաժնի աշխատակազմին, և կասկածից վեր է, որ Արտոնագրման բաժնի աշխատակիցները, ինչպես միշտ, բազմակողմանի օժանդակություն կտրամադրեն արտոնագրման թեկնածու ակումբներին՝ համակարգի պահանջներին նրանց համապատասխանելիությունն ապահովելու համար:

Տեղին է նշել, որ ՀՖՖ Արտոնագրման բաժնի աշխատակիցները ժամանակ առ ժամանակ վերապատրաստման դասընթացներ են անցնում ՈՒԵՖԱ-ի մասնագետների կողմից: Ավելին, նրանց հետևողական աշխատանքի շնորհիվ ս.թ. նոյեմբերի 19-ին Հայաստանում կազմակերպվեց ՈՒԵՖԱ-ի Ակումբների արտոնագրման և Ֆինանսական արդար խաղի բաժնի մասնագետի սեմինար-հանդիպումը ՀՖՖ Ակումբների գլխավոր քարտուղարների, արտոնագրման և ֆինանսական հարցերով պատասխանատունների հետ:

Միաժամանակ, ես ակնկալում եմ, որ բոլոր ակումբներն անխտիր նոյնպես պատրաստակամություն և պատասխանատվություն կդրսնորեն այս աշխատանքների նկատմամբ, ինչը թույլ կտա այս գործընթացն ավարտել հաջողությամբ: Հավելեմ, որ ակումբների արտոնագրման և վերահսկողության գործընթացը նպաստում է ակումբների՝ ՈՒԵՖԱ-ի կողմից պահանջվող միջազգային ստանդարտներին համապատասխան գործունեությանը և պրոֆեսիոնալ աշխատանքին:

Ընթացիկ մրցաշրջանում կկիրառվի 2012թ. հոկտեմբերի 29-ին ՀՖՖ Գործադիր կոմիտեի կողմից հաստատված և ՈՒԵՖԱ-ի կողմից փոփոխված ՀՖՖ ակումբների արտոնագրման համակարգի նոր կանոնակարգը (2012թ.-ի խմբագրություն): Վերջինս հիմնված է ՈՒԵՖԱ-ի ակումբների արտոնագրման և ֆինանսական արդար խաղի նոր կանոնակարգի վրա, որում, նախորդի համեմատ, տեղ են գտել որոշակի փոփոխություններ և հստակեցվել են ակումբների առջև դրված պահանջները:

Ակումբների արտոնագրման համակարգում և ակումբների վերահսկողության գործընթացում ՀՖՖ որդեգրած քաղաքականությունն ու նպատակային խնդիրները համապատասխանում են ՈՒԵՖԱ-ի Ակումբների արտոնագրման և ֆինանսական արդար խաղի համակարգի կողմից սահմանված որակի չափանիշի պահանջներին: Շարունակելով ձևավորված ավանդույթը և հիմնվելով նախորդ մրցաշրջանների արդյունքների վրա՝ ստորև ձեր ուշադրությանն են ներկայացվում ՀՖՖ ակումբների արտոնագրման համակարգի և ակումբների վերահսկողության գործընթացի

գործունեության հիմքերը, այն է՝ տարվող քաղաքականությունն ու նպատակային խնդիրները.

ՔԱՂԱՔԱԿԱՆՈՒԹՅՈՒՆ

- ՀՖՖ ակումբների արտոնագրման համակարգի և ակումբների վերահսկողության գործընթացի համար հստակ սահմանված նպատակներ:
- ՀՖՖ ակումբների արտոնագրման համակարգի և ակումբների վերահսկողության գործընթացի նկատմամբ ակումբների կարիքների և ակնկալիքների բավարարում, օժանդակություն ակումբների գործունեության բարելավման հարցերում և նրանց իրավունքների պաշտպանություն:
- ՀՖՖ ակումբների արտոնագրման համակարգի և ակումբների վերահսկողության գործընթացի արդյունավետության մշտական և շարունակական բարելավում ու մասսայականացում:
- ՀՖՖ ակումբների արտոնագրման համակարգի և ակումբների վերահսկողության գործընթացի աշխատակցի Վարքագծի Կանոնագրքի ոլորությունների անշեղորեն պահպանում:
- ՀՀ օրենսդրության, ՖԻՖԱ-ի, ՈՒԵՖԱ-ի և ՀՖՖ-ի կանոնների անշեղորեն պահպանում;
- Ակումբների արտոնագրման և վերահսկողության շրջանակներում եվլողական առաջավոր փորձի ուսումնասիրում, կիրառում և միջազգային կապերի զարգացում:
- Ակումբների և ՀՖՖ-ի ենթակառուցվածքների զարգացում ըստ ՖԻՖԱ-ի, ՈՒԵՖԱ-ի և ՀՖՖ-ի սահմանած որակի չափանիշների ու պահանջների:
- Բազմակողմանի աջակցություն ակումբներին՝ մարզչական կաղըերի պատրաստման և վերապատրաստման հարցերում:
- Բազմակողմանի աջակցություն ակումբներին՝ ՈՒԵՖԱ-ի Ֆինանսական Արդար Խառը ոլորությունների կիրառման հարցում:
- ՀՀ տարածքում մանկապատանեկան ֆուտբոլի զարգացման պայմանների բարելավում:

ՆՊԱՏԱԿԱՅԻՆ ԽՆԴԻՐՆԵՐ

- Արտոնագրերի շնորհում ՀՀ Բարձրագույն խմբի առաջնության և ՈՒԵՖԱ-ի պաշտոնական ակումբային մրցաշարերի մասնակից ակումբներին:
- ՀՖՖ ակումբների արտոնագրման համակարգի և ակումբների վերահսկողության գործընթացի զարգացման ուղիների մշակում:
- ՀՖՖ ակումբների արտոնագրման համակարգի և ակումբների վերահսկողության գործընթացի կառավարում, գործունեության կոորդինացում, զարգացման ծրագրերի հստակեցում և դրանց իրազործման վերահսկում:
- Աջակցություն ՀՖՖ ակումբներին՝ նրանց մասնագետների (մարզիչներ, քժիշկներ, հաշվապահներ, մամուլի քարտուղարներ, անվտանգության և երկրպագուների հարցերով պատասխանատուներ և այլն) պատրաստման և վերապատրաստման հարցերում:
- Արտոնագրերի շնորհում ակումբների մարզիչներին և այն մասնագետներին, որոնց գործունեությունը պահանջում է համապատասխան թույլտվություն համաձայն ՖԻՖԱ-ի, ՈՒԵՖԱ-ի և ՀՖՖ-ի կանոնների:
- ՈՒԵՖԱ-ի չափանիշներին համապատասխան մարշական Բ, Ա և ՊՌՈ դաշնաժաների կազմակերպում և անցկացում՝ ներառելով արտասահմանցի բարձրակարգ մասնագետների:
- Բազմակողմանի աջակցություն միջազգային մրցաշարերում հանդես եկող ՀՖՖ ակումբներին:
- Շփումների կազմակերպում, պահպանում և համագործակցություն այլ ասոցիացիաների, ՈՒԵՖԱ-ի և ՖԻՖԱ-ի հետ՝ ակումբների արտոնագրման համակարգի և ակումբների վերահսկողության գործընթացի զարգացման հարցերում:
- Մասնակցություն ՀՖՖ-ի զարգացման ռազմավարական ծրագրի մշակման և գործնական կիրառման հարցերում:
- ՀՖՖ ակումբների արտոնագրման համակարգի Կանոնակարգի, ՀՖՖ հրամանների և այլ արձանագրությունների, ինչպես նաև ՖԻՖԱ-ի և ՈՒԵՖԱ-ի նմանատիպ փաստաթղթերի պահանջների կատարման վերահսկում:
- ՀՖՖ ակումբների փաստաթղթերի և արխիվային նյութերի հաշվառման և վիճակագրության վարում, ՀՖՖ ակումբների արտոնագրման համակարգի գործունեության տարեկան հաշվետվությունների թողարկում:

- Առաջին անգամ ակումբների գործունեության համատական վերլուծության իրականացում և տպագիր հաշվետվության ներկայացում:
- Մշտական համակարգված աշխատանք ԶԼՄ-ների հետ և սոցիալական ցանցերում՝ ՀՖՖ ակումբների արտոնագրման համակարգի մասսայականացումն ապահովելու համար:
- Բազմակողմանի աջակցություն և խորհրդատվություն՝ ՀՖՖ ակումբներին իրենց ենթակառուցվածքների կառուցման և վերանորոգման հարցերում՝ համապատասխան ՈՒԵՖԱ-ի և ՖԻՖԱ-ի կողմից պահանջվող որակի ստանդարտների:
- ՈՒԵՖԱ-ի Ակումբներ արտոնագրման նոր որակի ստանդարտի (2012թ. իսլամականացում) տեղայնացում և կիրառում:
- Առաջարկների ներկայացում մարզական օրյեկտների կառուցման և վերակառուցման, նյութատեխնիկական բազայի բարելավման վերաբերյալ, իսկ անհրաժեշտության դեպքում՝ մասնակցություն այդ նախագծերին՝ ինքնուրույն, ինչպես նաև պետական և տեղական մարմինների և մասնավոր ընկերությունների հետ համատեղ:
- ՈՒԵՖԱ-ի և ՖԻՖԱ-ի կողմից տրամադրվող տարրեր կանոնակարգերի թարգմանություն, տեղայնացում և տպագրում. մասնավորապես ՈՒԵՖԱ-ի մարզադաշտերի անվտանգության կանոնակարգի տեղայնացում:
- Ազգային մակարդակով մարզադաշտերի ենթակառուցվածքների կանոնակարգի ստեղծում:
- Տեղեկատվական, մեթոդաբանական և խորհրդատվական աջակցության տրամադրում ակումբներին՝ ֆինանսական, իրավական, կադրային, մարզական և այլ հարցերի վերաբերյալ:
- Օժանդակություն՝ ՀՖՖ ակումբներին մանկապատանեկան ֆուտբոլի զարգացման ծրագրերի մշակման, տեղայնացման և իրականացման հարցերում:

Ահա այսպիսին կլինեն ՀՖՖ ակումբների արտոնագրման համակարգի և վերահսկողության գործընթացի առնվազն խնդիրները գալիք մրցաշրջանի համար:

Կասկածից վեր է, որ, ըստ նշված քաղաքականության կետերի և նպատակային խնդիրների, տարվող աշխատանքները կնպաստեն ոչ միայն ՀՖՖ ակումբների արտոնագրման համակարգի և ակումբների վերահսկողության գործընթացի զարգացմանը, այլև ակումբների ֆինանսական, կադրային, ենթակառուցվածքային,

իրավական և մարզական բնագավառներում տարվող աշխատանքների բարելավմանն ու
եվրոպական նվազագույն պահանջներին համապատասխանելիությանը:

Հայաստանի ֆուտբոլի ֆեդերացիան համոզված է իր ծրագրերի և որդեգրած ուղու
ճշմարտացիության մեջ և շարունակելու է լինել հետևողական ու խստապահանց իր
սկզբունքների իրականացման հարցում, իսկ ակումբների արտոնագրումը այդ ծրագրերի
կարևորագույն բաղկացուցիչ մասերից մեկն է:

ՀՖՖ Նախագահ

Ռ. Հայրապետյան